

四庫全書

子部

欽定四庫全書

欽定授時通考卷五十九

農餘

蔬一

蔓菁

非

同蒿

萋蒿

牡蒿

賴蒿

蘆蒿

白菜

芥

芥藍

菠薐

莧菜

馬齒莧

冬葵

龍葵

慈葵

蒲葵

天葵

苦菜

薤菜

芸薹

焯菜

薇

巢菜

蕨

迷蕨 水蕨

藜

藟藿 灰藿

薺菜

蔓菁



蔓菁

蔓菁一名蕪菁

北人名蔓菁并汾河朔間燒食其根呼為蕪根蕪菁南北之通稱

一名

葍一名須一名蕒蕪一名蕘一名芥

爾雅云須蕒蕪蕒云陳宋之間謂之

葍幽州人謂之芥陳楚謂之蕒齊魯謂之蕘關西謂之蕪菁趙魏謂之大芥七者一物也

一名九英

菰

塞北河西種者名九英蔓菁亦曰九英菰

一名諸葛菜

蜀人呼為諸葛菜

一名馬

王菜

苗犭獠犭狔地方產菜味澀多刺即諸葛菜也相傳為馬殷所遺故名

一名雞毛菜

夏月

則枯蔬圃復謂之雞毛菜

苗名薑

孫緬云薑蕪菁苗也

根為沙吉木兒

蒙古人呼其根

云根長而白形如胡蘿蔔霜後特軟美蒸煮煨任用梢

似芋魁含有膏潤頗近穀氣莖粗葉大而厚濶夏初起
臺開黃花四出如芥結角亦如芥子勻圓似芥子紫赤
色莖葉稍遜於根亦柔膩不類他菜人久食蔬菜無穀
氣即有菜色食蔓菁者獨否蔓菁四時皆有四時皆可
食春食苗初夏食心亦謂之臺秋食莖冬食根數口之
家能蒔數百本亦可終歲足蔬子可打油然燈甚明每
畝根葉可得五十石每三石可當米一石是一畝可得
米十五六石則三人卒歲之需也此菜北方甚多河東

太原所出其根極大又出西番吐谷渾地氣味苦溫無
毒常食通中下氣利五臟止消渴去心腹冷痛解麪毒
入丸藥服令人肥健尤宜婦人

劉賓客嘉話錄公曰諸葛所止令兵士獨種蔓菁者何
絢曰取其纔出甲者生啗一也葉舒可煮食二也久居
隨以滋長三也棄去不惜四也回則易尋而採之五也
冬有根可劖食六也比諸蔬屬其利不亦溥乎曰信矣
三蜀之人亦呼蔓菁為諸葛菜江陵亦然

兼明書今人呼菰為蔓菁云北地生者為蔓菁江南生者為菰此蓋習俗之非也余少時亦謂菰為蔓菁常見醫方用蔓菁子為辟穀藥又為塗頭油又用之消毒腫每訝菰子有此諸功殊不知其所謂近讀齊民要術乃知蔓菁是蘿蔔苗即醫方所用蔓菁子是也漢桓帝時年饑勸人種蔓菁以充饑諸葛亮征漢令軍人種蘿菔則蘿菔蔓菁為一物無所疑也

雲南記嵩州界緣山野間有菜大葉而麤莖其根若大

蘿蔔土人蒸煮其根葉而食之可以療饑名之為諸葛菜云武侯南征用此菜蒔於山中以濟軍食亦猶廣都縣山櫟木謂之諸葛木也

南方草木狀蕪菁嶺嶠以南俱無之偶有士人因官攜種就彼種之出地則變為芥亦橘種江北為枳之義也齊民要術種不求多唯須良地故墟新糞壤牆垣乃佳若無故墟糞者以灰為糞令厚一寸灰多則燥不生也 耕地欲熟七月初種之一

畝用子三升從處暑至八月白露節皆得早者作蒔晚

者作乾漫散而勞種不用溼

溼則地堅葉焦

既生不鋤九月末

收葉仍留根取子十月中犁粗畝拾取耕出者

若不耕畝則留

者英不茂實不繁也

春夏畦種供食者與畦葵法同剪訖更種從

春至秋可得三輩常供好菹取根者用大小麥底六月

中種十月將凍耕出之一畝得數車早出者根細

羣芳譜種法先薙草雨過即耕不雨先一日灌地使透

次日熟耕作畦或耨種或漫撒覆土厚一指五六日內

有雨不須灌無雨厚水灌溝中遙潤之勿澆土令地實

以沙土高者為上宜厚壅之擇子下種出甲後即耘出
小者為茹若不欲移植取次耘出存其大者令相去尺
許若欲移植俟苗長五七寸擇其大者移之先耕熟地
作畦深七八寸起土作壟藝苗其上壟土虛浮根大倍
常一法子欲陳用鰻鱧汁浸之曝乾種可無蟲取子者
當六七月種來年四月收若中春種亦即生臺與秋種
者同熟但根小莖矮子少耳供食者正月至八月皆可
種凡遇水旱他穀已晚但有隙地即可種此以濟口食

一法地方一尺五寸植一本一步十六本一畝三千六百本每本子一合可得三石六斗比菜子可多三四倍利

菲

附

爾雅菲芴

注即土瓜也疏菲似菹莖麤葉厚而長有毛三月中蒸嚮為茹甘美可作羹幽州人謂之芴今河內人謂之宿菜

又菲蔥菜

注菲草生下濕地似蕪菁華赤色可食

蒿同



同蒿

同蒿一名蓬蒿

形氣同蓬蒿也

莖肥葉綠有刻缺微似白蒿甘

脆滑膩四月起莖高二尺餘開花深黃色狀如單瓣菊

花一花結子近百成毬如地菰及苦蕒子最易繁茂以

佐日用最為佳品主安氣養脾胃消水飲多食動風氣

熏心令氣滿

王氏農書春二月種可為常食秋社前十日種可為秋菜如欲出種春菜食不盡者可為子俱是畦種其葉又

可湯泡以配茶茗實菜中之有異味者

羣芳譜種植肥地治畦如種他菜法

萋蒿

附

萋蒿一名白蒿一名繁

爾雅云繁蒿也注云白蒿也

一名蒿

爾雅云購蒿注

云萋蒿也生下田初出可啖

一名由

一作游

胡

爾雅云胡繁由胡

一名旁勃

爾雅云北

海人謂之旁勃

有水陸二種

爾雅通謂之繁曰繁蒿即今陸生艾蒿也辛熏不美曰繁由胡即

今水生萋蒿也又曰繁之醜秋為蒿則通指水陸二種而言謂其春時各有種名至秋老則皆呼為蒿矣

形

狀相似但水生者辛香而美生陂澤中二月發苗葉似

嫩艾而歧細面青背白其葉或赤或白其根白脆采其根莖生熟菹曝皆可食蓋嘉蔬也

牡蒿

附

爾雅蔚牡蒿

注無子者疏一名馬新蒿

本草一名齊頭蒿

諸蒿葉尖此獨麥而
禿故有齊頭之名

三四月生苗其

葉扁而本狹麥有禿歧嫩時可茹秋開細黃花結實大如車前實而內子細微不可見故人以為無子也

藟蒿

附

爾雅葦藟蕭

注今藟蒿也初生亦可食疏葉青白色莖似箸而輕
肥始生香可生食又可蒸食本草葦即陸生藟蒿俗
呼艾蒿

蘼蒿

附


爾雅葦藟

注今葦蒿也亦曰蘼蒿疏一名藟蒿生澤田漸洳之

處葉似斜蒿而細科生三月中莖可生食又可蒸香
美味頗似萋蒿

本草一名抱娘蒿似小薊宿蒿先於百草

白菜



白菜

白菜一名菘

埤雅云菘性凌冬不彫四時長有有松之操故其字會意

諸菜中最堪

常食有二種一種莖圓厚微青一種莖扁薄而白葉皆
淡青白色子如蕓薹子而灰黑八月種二月開黃花四
瓣如芥花三月結角亦如芥燕趙遼陽淮揚所種者最
肥大而厚一本有重十餘斤者南方者畦內過冬北方
多入窖內燕京圃人又以馬糞入窖壅培不見風日長
出苗葉皆嫩黃色脆美無滓謂之黃芽菜乃白菜別種

莖葉皆扁味甘溫無毒利腸胃除胸煩解酒渴利大小便和中止嗽冬汁尤佳夏至前菘菜食發皮膚風癢動氣發病又有春不老一名八斤菜葉似白菜而大甚脆嫩四時可種醃食甚美。

菜譜有春菘有晚菘



芥



芥

芥一名辣菜一名臘菜

其氣味辛辣有介然之義又可過冬也本草云冬月食者俗呼

臘菜春月食者俗呼春菜四月食者謂之夏菜

一名水蘇一名勞祖性辛溫無

毒溫中下氣豁痰利膈處處有之種類不一有青芥

又名

刺芥葉大子粗葉似松有柔毛味極辣可生食其子可藏冬瓜

紫芥

莖葉純紫可愛作齏最美

白芥

一名胡芥一名蜀芥來自戎中而盛於蜀八九月種至春深莖高二三尺葉如花芥葉青白色為茹甚美莖易起而中空性脆最畏狂風大雪須謹護之三月開黃花結角子如梁米黃白色又有一種莖大而中實者尤高子亦大白芥子堪入藥味極辛美利九竅明目通中

他如南芥刺芥

按此即青芥旋

芥馬芥

葉如青芥

花芥

葉多刻缺如蘿蔔英

石芥

低小者

皺葉芥

大芥一名皺葉

芥大葉皺紋色尤深綠味更辛辣入藥用

之類皆菜之美者三月開黃花結

莢一二寸子如蘇子大色紫味辛芥心嫩者為芥藍極

脆李時珍曰芥性辛熱而散久食耗真元昏眼目發瘡

痔劉恂嶺南異物志云南土芥高五六尺子大如雞子

此又芥之尤異者也

四民月令六月大暑中伏後可收芥子七月八月可種

芥

齊民要術取葉者七月半種地欲糞熟一畝用子一升
種法與蕪菁同既生亦不鋤之十月收取子者二三月
好雨澤時種性不耐寒經冬則死故須春種早則畦種水澆五月熟而
收子

王氏農書今江南農家所種如種葵法俟成苗必移栽
之早者七月半後種遲者八月種厚加培壅草即鋤之早即灌之冬芥

經春長心中為鹽淡二蒞亦任為鹽菜如收子者即不
摘心蓋南北異宜故種畧不同而其用則一

芥藍

附

芥藍芥屬也葉色如藍故南人謂之芥藍仍可擘取食故北人謂之擘藍其葉大於菘根大於芥臺苗大於白芥子大於蔓菁花淡黃色其苗葉根心俱任為蔬子可壓油亦四時可種四時可食大畧如蔓菁也但食根之菜如芥蘆菔蔓菁之屬魁皆在土中此則魁在土上為異耳收根者須四五月種少長擘食其葉漸擘魁漸大八九月并根葉取之葉作菹或作乾菜根剥去皮或煮

食或糟藏醬豉留根至明春復發苗可採食三月花四月實子每畝可收三四石

農政全書種芥藍宜耕熟地厚壅之土強者多用草灰和之耕熟後或漫散子取次耘之或種苗長數寸移植之或就平地種或作埕大畧與種蔓菁同法但須疎行則魁大子多每本令相去一尺餘

又凡菜種多冬榮夏枯獨芥藍乾枯收子之後根復生蘖經數年不壞蓋一種之後無論子粒傳生即原本亦

供數年採拾冬月悉取葉空留根來年亦生或并斫去
大根稍存入土細根來年亦生

又芥藍莖葉用芝麻油煮如常煮菜法食之并飲其汁
能散積痰其葉及子亦能消食積解麵毒

又菜名藍者不止因葉色似藍北人直用作澱可染紬
帛勝於福青



菠薐



菠薐

菠薐一名波斯草一名赤根菜

詢芻錄云南人呼菠
菜北人呼赤根菜

一

名鸚鵡菜出西域頗陵國今訛為菠薐蓋頗陵之轉聲也

見劉賓客
嘉話錄

莖柔脆中空葉綠膩柔厚直出一尖傍出

兩尖似鼓子花葉之狀而稍長大根長數寸大如桔梗
色赤味甘美四月起臺尺許開碎白花叢簇不顯有雌
雄雌者結實有刺狀如蒺藜子葉與根味甘冷滑無毒
利五臟通腸胃熱開胸膈下氣調中止渴潤燥解酒毒

服丹石人最宜麻油炒食甚美北人以為常食春月出
臺嫩而且美春暮臺漸老沸湯晾過曬乾備用甚佳可
久食誠四時可用之菜也

八九月種者可備冬食
正二月種者可備春蔬

農桑輯要菠薐作畦下種如蘿蔔法春正月二月皆可
種逐旋食用秋社後二十日種於畦下以乾馬糞培之
以備霜雪十月內以水沃之以備冬食

羣芳譜種植正二月內將子水浸一二日候脹撈出控
乾盆覆地上俟芽出擇肥鬆地作畦於每月下旬下種

與十餘日前種者同出亦一異也春種多蟲不如秋種者佳

菜 菹



莧

莧凡五種赤莧

一名黃爾雅云黃赤莧注云今莧菜之赤莧者本草云一名花莧莧莖葉深赤

白莧人莧

俱大寒又名糠莧胡莧二莧味勝他莧但大者為白莧小者為人莧或謂之細莧其實一

也其子霜後方熟細而黑色又細紫莧莖葉皆紫無毒

俗名野莧猪好食之亦名猪莧五色莧今稀諸莧皆三月種葉如藍莖葉皆高大

者染瓜易見故名莧

或曰莧從見諧聲也

開細花成穗穗中細子扁而光

黑與青箱子雞冠子無別老則抽莖甚高六月以後不

堪食子霜後始熟九月收五莧俱氣味甘冷利無毒並

利大小腸治初痢滑胎通竅明目除邪氣寒熱白莧補氣除熱赤莧主赤痢射工沙虱紫莧殺蟲毒治氣痢忌與鼈共食

農桑輯要人莧但五月種之今人有三月種者如欲出種留食不盡者八月收子


馬齒莧 附

馬齒莧一名馬莧一名五行草 以其葉青梗赤花黃根白子黑也 一名

五方草 亦五行之義 一名長命菜 其性耐久難燥 一名九頭獅子草

一名馬齒龍牙處處有之柔莖布地葉對生比並圓整如馬齒故名六七月開細花結小尖實實中細子如葶藶子狀苗煮熟曬乾可為蔬有二種葉大者名牝耳草不堪用小葉者又名鼠齒莧節葉間有水銀每十觔可得八兩或十兩氣味酸寒無毒散血消腫利腸滑胎解毒通淋治產後虛汗

葵 冬



冬葵

葵說文曰菜也農書曰陽草也

天有十日葵與終始故葵從葵

有紫莖

白莖二種葉之小者為鴨腳葵今南北皆有之一名露

葵

古人採葵必待露解

一名滑葵

言其性也

為百菜之主備四時之饌

本豐而耐旱

一作寒

味甘而無毒供食之餘可為菹腊枯

枿之遺可為榜簇子若根則能療疾咸無棄材誠蔬茹

之上品也

詩豳風七月烹葵及菽

本草綱目李時珍曰古人種為常食今種之者頗鮮其實大如指頂皮薄而扁實內子輕虛如榆莢仁六七月種者為秋葵八九月種者為冬葵正月復種者為春葵然宿根至春亦生

四民月令正月可種葵芥又六月六日種葵中伏以後可種冬葵

齊民要術臨種時必燥曝葵子

葵子雖經歲不涸然溼種者瘠而不肥

地

不厭良薄即糞之春必畦種水澆

春多風旱非畦不得且畦者省地而菜多

一畦供
得一口

畦長兩步廣一步

大則水難勻

深掘以熟糞對半和

土覆其上令厚一寸鐵齒耙耬之令熟足踏使堅平用

水澆潤水盡下子又以熟糞和土覆其上令厚一寸餘

菜生三葉然後澆之

澆用晨夕日中便止

每一掐輒耙耬地令起

下水加糞三掐更種一歲之中凡得三輩凡畦種之物

悉如之早種者必秋耕十月末地將凍散子勞之人足

踐踏之乃佳踐者菜肥地釋即生鋤不厭數五月初更

種之

春者既老秋葉落未生故種此相接

六月一日種白莖秋葵

白者宜乾紫莖

者乾即黑而澀

仍留五月種者取子

春莢子熟不均故須留中輩

於此時附

地剪却春葵冷根上枿生者柔輒美於秋葵掐秋菜必

留五六葉

不掐則莖孤葉多則科大

八月半剪去

留其歧歧多者則去地一二寸獨莖

者亦可去地四五寸

枿生肥嫩比至收時高與人膝等莖葉皆美

科雖不高菜實倍多

若不剪早生者雖高數尺柯葉堅硬全不中食

收待霜降

傷早黃爛傷晚黑澀

羣芳譜葵甚易生地不論肥瘠宜於不堪作田之地多

種以防荒年採淪曬乾收貯

龍葵

附

本草一名苦葵一名苦菜

益州有苦菜乃是苦蕒即龍葵也

一名天茄

子一名水茄一名天泡草一名老鴉酸漿草

與酸漿相類故加老

鴉以別之一名老鴉眼睛草

五爪龍亦名老鴉眼睛草同名異物也

李時珍曰

龍葵龍珠一類二種也皆處處有之四月生苗高二三

尺莖大如筍似燈籠草而無毛葉似茄葉而小五月以

後開小白花五出黃藥結子正圓大如五味子上有小

蒂數顆同綴其味酸中有細子亦如茄子之子但生青

熟黑者為龍葵生青熟赤者為龍珠

莖葵

附

爾雅莖葵繁露

注承露也大莖小葉華紫黃色

本草一名落葵一名藤葵一名天葵一名繁葵一名御

菜一名臙脂菜

坡詩注云豐湖有臙脂藤生菜滑美勝蓴

蔓生葉似杏葉而

肥厚軟滑可茹八九月開細紫花累累結實如五味子

熟則紫黑色揉取汁紅如臙脂女人飾面點唇及染布

物謂之胡臘脂亦曰染絳子但色易變耳其葉最能承露其子垂垂亦如綴露故得露名

蒲葵

附

羣芳譜蒲葵葉似葵可食

天葵

附

羣芳譜天葵一名苳一名菟葵

爾雅云苳菟葵注云頗似葵而小葉狀如葵有

毛

雷公所謂紫背天葵是也葉如錢而厚嫩背微紫生

崖石凡丹石之類得此始神但世人罕識唐本草注苗

如石龍芮葉光澤花白似梅莖紫色煮汁極滑堪噉

[illegible]

苦菜

金匱要略卷五十九



苦菜

苦菜一名苦苣一名苦蕒一名編苣一名游冬

博雅云游冬苦

菜也埤雅云此草凌冬不凋故名

一名天香菜葉狹而綠帶碧莖空斷

之有白汁花黃如初綻野菊花春夏旋開一花結子一

叢如同蒿子花罷則萼斂子上有白毛茸茸隨風飄揚

落處即生今處處有之但在北方者至冬而凋在南方

者冬夏常青為少異耳味苦寒無毒夏天宜食能益心

和血通氣主治腸澼渴熱中疾惡瘡霍亂後胃氣煩逆

忌與蜜同食作肉痔脾胃虛寒人不可多食

禮記月令孟夏之月苦菜秀

又內則濡豚包苦實蓼

疏言濡豚之時包裹豚肉以苦菜殺其惡氣又實之以蓼

爾雅荼苦菜

疏一名荼草一名選

陸璣詩疏生山田及澤中得霜甜脆而美


欽定四庫全書



欽定四庫全書

薤菜

卷五十九



薤菜


薤菜

薤與壅同此菜惟以壅成故謂之薤

幹柔如蔓中空葉似菠薐及鰓

頭開白花堪茹南人編葦為筏作小孔浮水上種子於水中長成莖葉皆出葦孔中隨水上下南方之奇蔬也陸種者宜濕地畏霜雪九月藏土窖中三四月取出壅以糞土節節生芽一本可成一畦生嶺南今江夏金陵多蒔之

薑 藟



雲臺

雲臺菜

塞外有雲臺戌
始種此菜故名

一名寒菜一名胡菜一名臺菜

一名臺芥一名油菜單莖圓肥淡青色葉附莖上形如

白菜嫩時可炒食既老莖端開花如蘿蔔花結角中有

子本草九月十月下種生葉冬春採臺心為茹三月則

老不可食開小黃花四瓣子灰赤色炒過榨油黃色燃

燈甚明

焯菜



焯菜

焯菜一名蕓

音單

菜一名竦米菜生南方田園小草也冬

月布地叢生長二三寸柔梗細葉三月開細花黃色結
細角長一二分角內有細子味極辛辣沙地生者尤伶
仃

薇



薇

薇

字說云微賤所食因謂之微

一名野豌豆 一名大巢菜

本草項氏曰巢菜有

大小二種大者即薇乃野豌豆之不實者小者即東坡所謂元修菜也

生麥田及原隰中

本草云非水草也莖葉氣味皆似豌豆其藿作蔬入羹

皆宜

爾雅薇垂水

注生於水邊蔬草生於水濱而枝葉垂於水者曰薇

陸璣詩疏薇山菜也今官園種之以供宗廟祭祀

巢菜

附

四川志巢菜州縣俱出葉似槐而小其子如小豆夏時種以糞田其苗可食

蘇軾元修菜詩序菜之美者有吾鄉之巢

陸游巢菜詩序蜀蔬有兩巢大巢豌豆之不實者小巢生稻畦中東坡所賦元修菜是也吳中絕多名漂搖草一名野蠶豆但人不知取食耳

蕨



蕨

蕨一名鼈

爾雅云蕨鼈注云廣雅云紫萁非也江西謂之鼈陸璣詩疏云山菜也周秦曰蕨齊魯曰

鼈埤雅云狀如大雀拳足又如其足之蹙也故謂之蕨俗云初生亦類鼈故曰鼈也二三月生芽

拳曲狀如小兒拳長則展寬如鳳毛高三四尺莖嫩時

無葉採取以灰湯煮去涎滑曬乾作蔬味甘滑肉煮甚

美薑醋拌食亦佳荒年可救饑根紫色皮肉有白粉搗

爛洗澄取粉名蕨粉可蒸食亦可盪皮作線色淡紫味

滑美陸璣謂可供祭祀今山中處處有之

齊民要術二月中高八九寸老有葉淪為茹滑美如葵
三月中其端散為三枝枝有數葉葉似青蒿長龐堅長
不可食用

爾雅翼蕨紫色而肥野人今歲焚山則來歲蕨菜繁生
其舊生蕨之處蕨葉老硬敷披人誌之謂之蕨基

迷蕨

附

爾雅蕨月爾

注即紫蕨也似蕨可食


本草李時珍曰紫萁似蕨有花而味苦初生亦可食三
蒼謂之迷蕨

水蕨

附

本草水蕨似蕨生水中呂氏春秋云菜之美者有雲夢
之莖即此菜也

藜



藜

藜一名萊一名紅心灰藿一名臘脂菜一名鶴頂草一名落藜生不擇地處處有之即灰藿之紅心者莖葉稍大嫩時亦可食老則莖可為杖氣味甘平微毒殺蟲煎湯洗蟲瘡漱齒蠹搗爛塗諸蟲傷

藿藿

附

爾雅拜藿藿

注藿藿亦似藜疏此亦似藜而葉大者名拜一名藿

藿

灰藿

附

灰藿一名灰滌菜一名金鎖天今訛為灰條菜處處原
野有之四月生苗莖有紫紅線稜葉尖有刻缺面青背
白莖心嫩葉皆有細白灰如沙為蔬亦佳氣味甘平無
毒治惡瘡蟲咬面黥等疾忌著肉作瘡五月漸老高者
數尺七八月開細白花結實成簇如毬中有細子蒸曝
取仁可炊飯及磨粉食救荒本草云結子成穗者味甘

散者味苦生牆下樹下者忌用白者謂之蛇灰有毒

菜薺



薺菜

薺一名護生草

本草云薺生於濟故謂之薺釋家取其莖作挑燈杖可避蚊蛾謂之護生草

野生有大小數種小薺花葉莖扁味美最細者名沙薺

大薺科葉皆大而味不及小薺莖硬有毛者名薺

爾雅

云薺實大薺疏云又名薺
薺一名大薺一名馬辛

味欠佳冬至後生苗二三月

起莖五六寸開細白花結莢如小萍有三角莢內細子

名薺

爾雅云薺薺實疏云薺子
味甘人取其葉作菹及羹

四月收師曠所謂歲欲

豐甘草先生即此

野菜譜江薺

生臘月生熟皆可食花時不可食但可作齏用

倒灌薺

生旱田采之熟食亦

可作齏

蒿柴薺

其葉可食其稻可燃


掃帚薺

春采熟食

碎米薺

三月采皆可作齏

春秋繁露薺以美冬水氣也薺甘味也乘於水氣故美者甘勝寒也薺之言濟所以濟大水也



欽定授時通考卷五十九

欽定四庫全書

子部

欽定授時通考卷六十一

詳校官中書臣竇汝翼

編修臣倉聖脈覆勘

總校官編修臣王燕緒

校對官中書臣宋枋遠

謄錄監生臣王宮

繪圖監生臣董椿

欽定四庫全書

欽定授時通考卷六十

農餘

蔬二

山藥

芋

香芋

土芋

甘露子

甘藷

蘿蔔

水蘿蔔

胡蘿蔔

蒿苳

生苳

蓴

芹

紫芹

蘆

山藥



山藥

山藥原名薯蕷

負暄雜錄云山藥本名薯蕷避唐代宗諱改名薯藥宋英宗名曙改名山藥

一名山藷一名土藷一名玉延

廣雅云玉延署預也吳普云齊楚名玉延

名修脆一名藷蕷一名山芋一名藷薯一名兒草江閩

人單呼為藷處處有之南京者最大而美蜀道尤良入

藥以懷慶者為佳春間生苗蔓延莖紫青有三尖似白

牽牛葉更厚而光澤五六月開細花成穗淡紅色大類

棗花秋生實於葉間青黃八月熟落根下外薄皮土黃

色狀似雷丸大小不一肉白色煮食甘滑與根同冬春採根皮亦土黃色薄而有毛其肉白色者為上青黑者不堪用南中有一種生山中者根細如指極緊實刮磨入湯煮之作塊味更佳食之尤益人江湖間中一種根如薑芋而皮紫大者切數片去皮煎煮俱美但性冷於北地者彼土人呼為諸入藥以野生者為勝性甘溫平無毒鎮心安神魂魄止腰痛治虛羸健脾胃益腎氣止洩痢化痰涎久服耳目聰明輕身不老

羣芳譜種植春社日取宿根多毛有白瘤者竹刀截作
二寸長塊先將地開作二尺寬溝深三四尺長短任意
先填亂糞柴一半上實以土將截斷山藥豎埋於中上
仍以糞土覆與溝平時澆灌之苗生以竹或樹枝架作
椽高三四尺當年可食三四年者根大尤美夏月宜頻
澆最宜肥地每年易人而種宜牛糞麻粃忌人糞

芋



芋

芋一名土芝一名蹲鴟

史記注云芋頭形類蹲鴟鳥之蹲

一名

在在有

之蜀漢為最京洛者差圓小葉如荷長而平圓土微紫

乾之亦中食根白亦有紫者南方之芋子大如斗旁生

子甚多皮上有微毛如鱗次裏之拔之則連茹而起味

甘蒸煮任意濕紙包火煨過熟乘熱噉之則鬆而膩益

氣充饑亦可為羹臠廣志所載有君子芋

大如斗魁

淡原作談誤

善芋

魁大如瓶少子葉如繖蓋紺色而紫莖其長文餘易熟長味是芋之最善者

百果芋

魁大

子繁畝收百斛

雞子芋

色黃

車轂芋鉅

一作銀

子芋旁

原作勞誤

巨芋青

浥芋四種皆多子可乾腊亦可藏至夏皆種之美者長

味芋

味長莖亦可食

九面芋

大而

青芋曹芋

一作素芋

象芋

一作象空芋大

而弱使人易饑

皆不可食又有蔓芋

綠枝生大者如二三升

博士芋

出新鄭蔓

生而根如鷺鴨蛋

百子芋

出葉俞縣有魁芋無旁子

酉陽雜俎有天芋

生終南山

中葉如荷而厚 雀芋

狀如雀頭置乾地反濕置濕地反乾飛鳥觸之墮走獸遇之僵

益部方物

畧記有赤鷓芋

俗號赤鷓頭芋形長而圓但子不繁衍味最美

蠻芋

味亦美其形則圓子

繁衍人多 搏果芋

品最下搏接也言可接果山中人多食之

爾雅翼云芋之大

者前漢謂之芋魁後漢書謂之芋渠本草芋種雖多有
水旱二種旱芋山地可種水芋水田蒔之葉皆相似但
水芋味勝莖亦可食芋不開花時或七八月間有開者
抽莖生色黃花旁有一長萼護之如半邊蓮花之狀味
平除煩止渴可以療饑可以備荒小兒戒食滯胃氣難
化有風疾服風藥者最忌多致殺人備荒論曰蝗之
所至凡草木葉無有遺者獨不食芋桑與水菱芡宜廣
種之

史記貨殖傳蜀卓氏之先趙人也秦破趙遷卓氏曰吾聞岷山之下沃野下有蹲鴟至死不饑乃求遠遷致之臨邛

晉書李雄載記雄尅成都軍饑甚乃率衆就穀於郫掘野芋而食之

茅堂閒話閤阜山一寺僧專力種芋歲收極多杵之如泥造塹為牆後遇大饑獨此寺四十餘僧食芋塹以度凶歲

汜勝之書種芋區方深皆三尺取豆萁內區中足踐之
厚尺五寸取區上濕土與糞和之內區中萁上令厚尺
二寸以水澆之足踐令保澤取五芋子置四角及中央
足踐之旱數澆之萁爛芋生子皆長三尺一區收三石
農桑通訣種宜軟白沙地近水為善
芋畏旱故宜近水區深可
三尺許行欲寬寬則過風本欲深深則根大春宜種夏
種不生秋宜壅失壅則瘦鋤宜頻澆宜數霜降捩其葉
使收液以美其實

羣芳譜擇種十月揀根圓長尖白者就屋南簷下掘坑以礬糠鋪底將種放下稻草蓋之勿使冷爛至三月間取出埋肥地待早苗發三四葉於五月間擇近水肥地移栽其科行與種稻同或用河泥或用灰糞爛草壅培旱則澆之有草則去之若種旱芋亦宜肥地

又栽種正二月將耕過地先鋤一遍以新黃土覆蓋三月中擇壬申壬午壬戌辛巳戊申庚子辛卯日將芋芽向上種候生三四葉高四五寸五月移栽霜降後鋤開

根邊土上肥泥壅根則愈大而愈肥南方多水芋北方多旱芋總之地皆宜肥水芋二尺一科畝為科二千一百六十科收魁若芋二斤畝為斤二千三百二十以備荒救饑已數倍於作田矣種芋之地衆人來往眼目多見及聞刷鍋聲多不孳生鋤芋宜晨露未乾及雨後耘鋤令根旁虛則芋大子多若日中耕大熱則薦以灰糞培則茂水芋不必耘但亦宜肥地七月在芋四角掘土壅根則土暖結子圓大霜後起之芋莖繁宜剝取淖曬

乾煮食味極甘美

香芋

附

香芋形如土豆而味甘美煮熟可食

羣芳譜種芋法香芋皮黃肉白莖葉如扁豆而細又有引蔓開花花落即生名之曰落花生皆嘉定有也

土芋

附

本草土芋一名土豆一名土卵一名黃獨蔓生葉如豆根圓如卵肉白皮黃可灰汁煮食亦可蒸食解諸藥毒

生研水服吐出惡物

甘露子

附

本草甘露子

以根味而名

一名地蠶

原譜誤作環

一名土蛹一名

草石蠶

皆以根形而名蘇頌云草根之似蠶者一名蠶石

一名滴露一名地爪

兒荆湘江淮以南野中有之人亦栽蒔二月生苗長者


近尺方莖對節狹葉有齒並如雞蘇但葉皺有毛四月

開小花成穗一如紫蘇花穗結子如荆芥子其根聯珠

狀如老蠶掘根蒸煮食之味如百合

羣芳譜二三月鋤宜沃土宜沾濕凡種宜於園圃近陰處或樹蔭下疎種之至秋乃收生熟皆可食又可蜜煎可醬漬可作豉雨中以灰雜糞土覆掩根鋤草淨則生繁至冬鋤去一云葉上露滴地即滋生是以有露滴之名

甘藷



甘藷

甘藷一名朱藷一名番藷大者名玉枕藷

稗史類編云
嶺外多藷有

發深山遠谷而得者
重數十斤名玉枕藷

形圓而長本末皆銳肉紫皮白質

理膩潤氣味甘平無毒補虛乏益氣力健脾胃強腎陰
與薯蕷同功久食益人與芋及薯蕷自是各種巨者如
杯如拳亦有大如甌者氣香生時似桂花熟者似薔薇
露撲地傳生一莖蔓延至數十百莖節節生根一畝種
數十石勝種穀二十倍閩廣人以當米穀有謂性冷者

非二三月及七八月俱可種但卵有大小耳卵八九月始生冬至乃止始生便可食若未須者勿頓掘令居土中日漸大到冬至須盡掘出則不敗爛

南方草木狀甘藷蓋薯蕷之類或曰芋之類根葉不如芋皮紫而肉白蒸鬻食之產珠崖之地海中之人皆不業耕稼惟掘地種甘藷秋熟收之蒸煦切如米粒倉圖貯之以充糧糗是名藷糧

異物志甘藷出交廣南方民家以二月種十月收之其

根似芋亦有巨魁大者如鵝卵小者如雞鴨卵剝去紫皮肌肉正白如肪南人當米穀果食炙皆香美初時甚甜經久得風稍淡

甘藷疏閩廣藷有二種一名山藷彼中故有之一名番藷有人自海外得此種海外人亦禁不令出境此人取藷絞入汲水繩中因得渡海分種移植遂開閩廣之境兩種莖葉多相類但山藷植援附樹乃生番藷蔓地生山藷形壘魁番藷形圓而長其味則番藷甚甘山藷稍

劣江南田圩下者不宜諸若高仰之地平時種藍種豆者易以種諸有數倍之獲大江以北土更高地更廣即其利百倍不啻矣倘慮天旱則此種畝收數十石數口之家止種一畝縱災甚而汲井灌溉一至成熟終歲足食有何不可徐光啓云昔人謂蔓菁有六利柿有七絕予謂甘藷有十二勝收入多一也色白味甘諸土種中特為賁絕二也益人與薯蕷同功三也遍地傳生剪莖作種今歲一莖次年便可種數十畝四也枝葉附地隨

節生根風雨不能侵損五也可當米穀凶年不能災六也可充籩實七也可釀酒八也乾久收藏屑之旋作餅餌勝用餕蜜九也生熟皆可食十也用地少易於灌溉十一也春夏種初冬收入枝葉極盛草穢不容但須壅土不用鋤耘不妨農工十二也

羣芳譜種植種諸宜高地沙地起脊尺餘種在脊上遇旱可汲井澆灌即遇澇年若水退在七月中氣候既不
及藝五穀即可剪藤種諸至蝗蝻為害草木蕩盡惟諸

根在地薦食不及縱令莖葉皆盡尚能發生若蝗信到時急令人發土徧壅蝗去之後滋生更易是天災物害皆不能為之損人家凡有隙地但只數尺仰天見日便可種得石許此救荒第一義也須歲前深耕以大糞壅之春分後下種若非沙土先用柴灰或牛馬糞和土中使土脈散緩與沙土同庶可行根重耕起要極深將諸根每段截三四寸長覆土深半寸許每株相去縱七八尺橫二三尺俟蔓生既盛苗長一丈留二尺作老根餘

剪三葉為一段插入土中每栽苗相去一尺大約二分入土一分在外即又生諸隨長隨剪隨種隨生蔓延與原種者不異凡栽須順栽倒栽則不生節則土上即生枝在土下即生卵凡各節生根即從其連綴處斷之令各成根苗每節可得卵三四枚

又藏種九月十月間掘諸卵揀近根先生者勿令損傷用軟草包裹掛通風處陰乾一法於八月中揀近根老藤剪七八寸長每七八根作一小束耕地作畦將藤束

栽畦內如栽韭法過月餘每條下生小卵如蒜頭狀冬
月畏寒稍用草蓋覆至來春分種若老條原卵在土中
無不壞爛 一法霜降前取近根卵稍堅實者陰乾以
軟草各襯另以軟草裹之置無風和暖不近霜雪不受
水凍處一法霜降前收取根藤曝令乾於竈下掘窖約
深一尺五六寸先下稻糠三四寸次置種其上更加稻
糠三四寸以上蓋之一法七八月取老藤種入木桶或
磁瓦器中至霜降前置草簍中以稻糠襯置向陽近火

處至春分後依前法種 收蔓枝節已徧地不能容者

即為游藤宜翦去之及掘根時捲去藤蔓俱可飼牛羊
猪或曬乾冬月喂皆能令肥腴 用地凡諸二三月種

者每株用地方二步有半而卵徧焉每官畝約用諸三
十六株四五月種者地方二步而卵徧焉畝約六十株
六月種者方一步有半而卵徧焉畝約一百六株有奇
七月種者地方一步而卵徧焉畝約二百四十株八月
種者地方三尺以內得卵細小矣畝約九百六十株種

之疎密畧以此準之九月畦種生卵如箸如棗擬作種
此松江法也北方早寒宜早一月算又在視天氣寒暖
臨時斟酌耳

蘿蔔



蘿蔔

蘿蔔一名萊菔

菔乃萊名萊菔乃根名後世訛為蘿蔔南人呼為蘿𤑔或云性能制麥毒故名

來服言來楚之所服也

一名蘆菔一名電𤑔

爾雅云𤑔蘆菔注云菔宜為菔蘆菔蕪菁

屬紫花大根

俗呼電𤑔

一名紫花菔一名溫菔

紫花菔溫菔皆南人所呼吳人呼楚

菔廣南人呼秦菔廣

一名土酥

農書云北人蘿蔔一種四名春曰破地錐夏曰

夏生秋曰蘿蔔冬曰土酥謂其潔白如酥也

一名薺根處處有之北土尤多

其狀有長圓二類根有紅白二色莖高尺餘苗稠則小

隨時取食令稀則根肥大葉大者如蕪菁細者如花芥

皆有細柔毛春末抽高臺開小花紫碧色夏初結莢子
大如麻子黃赤色圓而微扁生河朔者頗大而江南安
州洪州信陽者尤大有重至五六斤者大抵生沙壤者
脆而甘生瘠地者堅而辣根葉皆可生可熟可俎可齏
可醬可豉可醋可糖可腊可飯乃蔬中之最有益者氣
味辛甘無毒下氣消穀去痰癖止咳嗽利膈寬中肥健
人令肌膚細白同猪羊肉鯽魚煮食更補益熟者多食
滯膈中成溢飲服地黃何首烏者食之髮白以蘿蔔多

食滲血性相反也

種樹書種蘿蔔宜沙塽地五月犂五六徧六月六日種鋤不厭多稠即少種

羣芳譜種植頭伏下種宜沙地地欲生則無蟲耕地欲熟則草少治畦長一丈濶四尺每子一升可種二十畦子陳更佳先用熟糞勻布畦內水飲透次日用大糞拌子令勻撒畦內細土覆之苗出三四指便可食擇其密者去之疎則根大尺地只可留三四窠厚壅頻澆其利

自信月月可種月月可食欲收種於九月十月擇其良者去鬚帶葉移栽之澆灌以時至春收子可備種時鋤不厭頻忌帶露鋤恐生蟲

水蘿蔔

附

水蘿蔔形白而細長根葉俱淡脆無辛辣氣可生食亦有如臂長七八寸者則土地之異也出山東壽光縣者尤鬆脆

胡蘿蔔


附

胡蘿蔔有黃赤二種長五六寸宜伏內畦種肥地亦可

漫種大者盈握冬初掘取生熟皆可啖可果可蔬莖高
二三尺有白毛氣如蒿不可生食貧人曬乾冬月亦可
拌腐充饑三伏內治地點種地肥則漫種頻澆則肥大
欲收種者留至次年開辟白花攢簇如傘子如蛇牀子
稍長而有毛褐色又如蒔蘿子元時始自邊塞中來故
名甘辛無毒下氣補中利胸膈安五臟令人健食有益
無損予治久痢一種野胡蘿蔔根細小亦同金幼孜北
征錄云交河北有沙蘿蔔根長二尺許大者徑寸下支

生小者如筋色黃白氣味辛而微苦氣似胡蘿蔔想亦
胡蘿蔔之類但地利人力之不同耳

葛苴



萵苣

萵苣一名萵菜

墨客揮犀云萵菜自尚國來故名

一名千金菜

清異錄云尚國

使者來漢隋人求得菜種
酬之甚厚因名千金菜

菜似白苣而尖嫩多皺色稍

青折之有白汁四月抽臺高三四尺剝皮生食味清脆

糟食亦佳江東人鹽曬壓實以備方物謂之苣筍農桑

通訣謂即野苣按野苣即苦苣又名苦蕒其根亦苦與

萵苣自是兩種但萵苣葉亦微苦南人食臺不食葉其

種法與白苣同正二月下種四月出園後不再種與生

菜異耳

生菜

附


生菜一名白菜一名石莖陸璣詩疏云青州謂之芭似
蒿苴而葉色白斷之有白汁正二月下種四月開黃花
如苦蕒結子亦同八月十月可再種以糞水頻澆則肥
大諺云生菜不離園宜生食又生按鹽醋拌食故名生
菜色紫者名紫苴一云紫莖和土作器火煨如銅

農桑輯要蒿苴作畦下種如菠薐法先用水浸種一日

於濕地上襯布置子於上以盆碗合之候芽漸出則種
春正二月種之可為常食秋社前一二日種者霜降後
可為淹菜如欲出種正二月種九十日收其莖嫩如指
大高可踰尺去皮蔬食又可糟藏謂之蒿笋生食又謂
之生菜四時不可闕者

按據此則蒿苴生菜本
是一種特南北異宜耳

蓴



蓴

蓴

一作蓴

一名茆

詩傳云茆鳧葵也又陸璣疏云茆與苳菜相似江東人謂之蓴菜

一名

錦帶一名水葵

陸璣疏云江東或謂之水葵

一名露葵

詳見顧氏家訓

一名

馬蹄草一名缺盆草生南方湖澤中最易生種以水淺

深為候水深則莖肥而葉少水淺則莖瘦而葉多其性

逐水而滑惟吳越人喜食之葉如苳菜而差圓形似馬

蹄莖紫色大如筋柔滑可羹夏月開黃花結實青紫色

大如棠梨中有細子三四月嫩莖未葉細如釵股黃赤

色名穉蓴

穉小也

又名雉尾蓴體軟味甜五月葉稍舒長

者名絲蓴

細莖如絲也

九月萌在泥中漸麤硬名瑰蓴或作

葵蓴十月十一月名猪蓴

謂可喂猪也

又名龜蓴

酉陽雜俎云江東謂

之蓴龜

味苦體澀不堪食取汁作羹猶勝他菜味甘寒無

毒治消渴熱痺厚腸胃安下焦逐水解百藥毒竝蠱氣

齊民要術近陂湖可於湖中種之近流水者可決水為

池種之性易生一種永得宜潔淨不耐污糞穢入池即


死

欽定四庫全書



欽定四庫全書

芹



芹

芹古作蘄

本草作蘄從草從新諧聲也後省作芹楚有蘄州蘄縣俱音淇羅願云地多產芹故字從

芹蘄亦音芹徐鍇註說文蘄字从草蘄諸書無蘄字據此則蘄字亦當从蘄作蘄字也

一名水英

一名楚葵

爾雅云芹楚葵注云今水中芹菜

有水芹旱芹水芹生江湖

陂澤之涯旱芹生平地有赤白二種

爾雅翼云白芹舒蘄多有之土人呼

為白芷

二月生苗其葉對節而生似芎藭其莖有節稜而

中空其氣芬芳五月開細白花如蛇牀花蘇恭云白芹取根赤芹莖葉並堪作葅味甘無毒止血養精益氣止

煩去伏熱殺藥毒令人肥健置酒醬香美和醋食滋人
但損齒又有一種馬芹爾雅謂之茭又名牛蘄若野茴
香葉細銳可食亦芹類也本草李時珍云一名胡芹一
名野茴香以其氣味子形微
似也金光明經謂之葉
婆你與芹同類而異種一種黃花者毛芹也有毒殺人
此旱芹
之一種

詩小雅鬻泂檻泉言采其芹

筴芹菜也可以為菹采水中者尚潔清也

齊民要術收根畦種之常令足水尤忌潘泔及鹹水澆


之則死性易蕃茂甜脆勝野生者

紫芹附

本草紫芹一名蜀芹一名楚葵一名苔菜一名水菊菜
羣芳譜紫芹即赤芹生陰崖陂池近水石邊狀類赤芍
藥葉深綠背甚赤莖似蕎麥花紅可喜結實亦似粃蕎
麥味苦澀其汁可以煮雌制汞伏砂擒黃號起貧草他
方頗少太行王屋諸山最多

蘆

卷六十



蘆

蘆一名葦生下濕地處處有之葉四白而垂中心抽幹長丈許中虛皮薄色青老則白中有白膚身有節如竹葉隨節生若箬葉下半裹其莖無旁枝花白作穗若茅花根若竹根而節疎

禮記月令季夏之月命澤人納材葦

注蒲葦之屬此時柔紉可取作器物也

爾雅葦醜芎

疏葦即蘆之成者其類皆有芎秀也

又葭華兼蘆葭蘆莢亂其萌蘢

疏此辨葦葭等生成之異名也葭一名華即今蘆也
葦之未成者葦一名蘆葭一名蘆莢一名亂李巡曰
分別葦類之異名其萌名蘢

本草蘆有數種其長丈許中空皮薄色白者葭也蘆也
葦也短小於葦而中空皮厚色有青蒼者莢也亂也荻
也荏也其最短小而中實者葦也蘆也皆以初生已成

得名

丹鉛錄蘆葦通一物也所謂蒹今作蘆者是也所謂茨
今人以當薪爨者也北人以蘆與葦為二物水傍下隰
所生者為葦其細不及指人家園地間可植者為蘆其
幹差大深碧色者為碧蘆

農桑輯要葦四月苗高尺許選好葦連根栽成土墩如
 椀口大於下隰地內掘區栽之縱橫相去一二尺欲得
力則
 至冬放火燒過次年春芽出便成好葦十月後刈之

力欲
則得

藏密

至冬放火燒過次年春芽出便成好葦十月後刈之

一法二月熟耕地作壟取根卧栽以土覆之次年成葦
又壓栽法其葦長時掘地成渠將莖倒以土壓之露其
稍凡葉向上者亦植令出土下便生根上便成筍與壓
桑無異五年之後根交當隔一尺許斫一鏹即滋旺矣
其花絮沾濕地即生蘆然不如根栽者

欽定授時通考卷六十

欽定四庫全書

欽定授時通考卷六十一

農餘

蔬三

菜瓜

稍瓜

黃瓜

南瓜

冬瓜

絲瓜

葫蘆

瓠子

茄


菌

木耳

石耳

地耳

菜瓜



菜瓜

菜瓜北方名苦瓜蔓葉俱如甜瓜生時色青質脆可生食間有苦者亦可作豉醃菹故名菜瓜熟亦微甜生秋月大小不一止可醃以備冬月之用

學圃餘疏瓜之不堪生噉而堪醬食者名曰菜瓜圓者如甜瓜長者如玉瓜皆一類也

稍瓜

附

本草稍瓜一名越瓜一名菜瓜南北皆有二三月下種

生苗就地生蔓青葉黃花並如冬瓜花葉而小夏秋之間結瓜有青白二色大如瓠子一種長者至二尺許俗呼羊角瓜子狀如胡瓜子大如麥粒

羣芳譜稍瓜蔓生較黃瓜頗麤色綠而黑縱有白紋界之微凹體光而滑膚實而韌味甘寒利腸去煩熱止渴利小便解酒熱宣洩熱氣不益小兒不可與乳酥鮮同食宜忌大畧與黃瓜同

欽定四庫全書

欽定授時通考

校時通考

四

黃瓜



黃瓜

黃瓜一名胡瓜

本草云張騫使西域得種故名拾遺錄云大業四年避諱改為黃瓜俗又呼為

瓜王

蔓生葉如木芙蓉葉五尖而澀有細白刺如針芒莖

五稜亦有細白刺開黃花結實青白二色質脆嫩多汁有長數寸者有長一二尺者遍體生刺如小粟粒多謊花其結瓜者即隨花並出味清凉解煩止渴可生食種陽地暖則易生行陣宜整兩行微相近用樹枝棚起如人胸高附蔓於上兩行外相遠以通人行喜糞壅頻鋤

勿令生草瓜生至初花鋤三四次鋤勿著根令瓜苦亦有隨地蔓生者摘瓜時宜引手摘勿踏瓜蔓亦勿翻覆之此瓜可生食亦可醃以為菹性甘寒小兒不宜多食學圃餘疏王瓜出燕京者最佳其地人種之火室中逼生花葉二月初即結小實中官取以上供又一種秋生者亦佳五土俱宜閏中二三月間食入夏枯矣

羣芳譜種植下種宜甲子庚子壬寅辛巳黃道開成日二月上旬為上時三月上旬為中時四月上旬為下時

至五六月止可種藏瓜耳藏瓜皮厚可收藏者預先將畦斫數遍以土熟為度加熟糞一層又翻轉以耙耨平水飲足將子用軟布包裹水濕生芽出天晴日中種子於內掩以浮土二指厚每晨以清糞水灌澆俟苗長茂帶土移栽苗大發旺用竹刀開其根跗間納大麥一粒結瓜碩大而久栽苗之畦修治與上同糞要熟而細一切草根須去盡

又收子取生數葉即結瓜者謂之本母子留至極熟摘

下截去兩頭取中央者洗淨晾乾置乾燥處勿令浥濕
浥濕則難生

又衛瓜瓜生蟻用羊骨引至旁葉去瓜中黃甲小蟲喜
食瓜葉宜以綿兜胃去凡瓜忌香尤忌麝香一觸之輒
痿死一法瓜旁種葱蒜能辟麝

南瓜



南瓜

南瓜附地蔓生莖麤而空有毛葉大而綠亦有毛開黃
花結實形橫圓而豎扁色黃有白紋界之微凹煮熟食
味麪而膩亦可和肉作羹又有番南瓜實之紋如南瓜
而色黑綠蒂頗尖形似葫蘆皆不可生食

本草南瓜四月生苗引蔓甚緊一蔓可延十餘丈節節
有根近地即著葉狀如蜀葵大如荷葉花如西瓜花結
瓜正圓大如西瓜上有稜如甜瓜一本可結數十顆其

色或綠或黃或紅子如冬瓜子肉厚色黃

農桑通訣浙中一種陰瓜宜陰地種之秋熟色黃如金
皮膚稍厚可藏至春食之如新疑即南瓜也



冬瓜



冬瓜

冬瓜一名白瓜一名水芝一名地芝

見廣雅

一名蔬蓀在

處蒔之附地蔓生莖麤如指有毛中空葉大而青有白毛如刺開白花實生蔓下長者如枕圓者如斗皮厚有毛初生青綠經霜則青皮上白如塗粉肉及子亦白八月斷其梢簡實小者摘去止留大者五六枚經霜乃熟十月足收之味甘微寒性急善走除小腹水脹利小便止渴益氣除滿耐老去頭面熱鍊五臟有熱病宜食陰

虛及患寒疾人久病人忌之霜降後方可食不然反成胃病本草云其瓢謂之瓜練白虛如絮可以浣練衣服其子謂之瓜犀在瓢中成列


齊民要術種冬瓜法傍牆陰地作區圍二尺深五寸以熟糞及土相和正月晦日種既生以柴木倚牆令其緣上旱則澆之

又十月區種如區種瓜法冬則推雪著區上為堆潤澤肥好乃勝春種

羣芳譜收藏宜高燥處忌近鹽醋及掃帚雞犬觸犯與芥子同安置可經年不壞

又收子瓜蒂灣曲貼肉者雌瓜也俟極老取子收高燥處勿浥濕留作種

瓜 絲



絲瓜

絲瓜一名蠻瓜一名布瓜一名天羅絮一名天絲瓜蔓

生莖綠色有稜而光葉如黃瓜葉而大無刺深綠色宜

高架喜背陽向陰開大黃花

五出微似胡瓜花藥瓣俱黃

少以鹽漬

可點茶結實狀如瓜有短而肥者有長而瘠者

瓜大寸許長一


二尺或三四尺深綠色有皺點瓜首如籠首

嫩者煮熟加薑醋食同雞鴨猪

肉炒食佳不可生食性冷解毒多食敗陽九月將老者

取子留作種瓢絲如網可滌器

葫蘆



葫蘆

葫蘆匏也一名瓠瓜一名匏瓜

圓者曰匏亦曰瓠本草云壺酒器蘆飲器此物

象其形故名俗作葫蘆

一名藤姑蔓生莖長須架起則結實圓正

亦有就地生者大小數種有大如盆盎者有小如拳者有柄長數尺者有中作亞腰者莖韌有絲如筋葉圓有小白毛面青背白開白花有甘苦二種甘者性冷無毒利水道止消渴苦者有毒不可食惟可佩以渡水陸農

師曰項短大腹曰瓠

長如越瓜首尾如一者

細而合上曰匏

無柄而圓

大形似匏而肥圓者曰壺

匏之有短柄大腹者

本草李時珍曰長

瓠懸瓠

瓠之一頭有腹長柄者今人以爲茶酒瓠

壺盧瓠瓜蒲盧

細腰者今之藥壺盧

廣志謂之約腹壺亦有大小二種

名狀不一其實一類各色也處處有

之但有遲早之殊並以正月下種生苗引蔓延緣其葉

似冬瓜葉而稍圓有柔毛嫩時可食五六月開白花結

實白色大小長短各有種色瓢中之子齒列而長謂之

瓠犀

爾雅云瓠樓瓣注云瓠中瓣也

詩邶風匏有苦葉

疏匏葉少時可為羹今河南及揚州人恒食之八月
中堅強不可食故云苦菜

幽風八月斷壺

王禎農書匏之為用甚廣大者可煮作素羹可和肉煮
作葷羹可蜜煎作果可削條作乾小者可作盒盞長柄
者可作噴壺亞腰者可盛藥餌苦者可治病

汜勝之書種瓠法以三月耕良田十畝作區方深一尺
以杵築之令可居澤相去一步區種四實蠶矢一斗與

土糞合澆之水二升所乾處復澆之著實以馬箠散其
心勿令蔓延多實實細以藁薦其下無令親土多瘡癰
度可作瓢以手摩其實從蒂至底去其毛不復長且厚
八月微霜下收取掘地深一尺薦以藁四邊各厚一尺
以實置孔中令底下向瓠一行覆上土厚二尺二十日
出黃色好破以為瓢其中白膚以養猪致肥其辦以作
燭致明一本三實一區十二實一畝得二千八百八十
實十畝凡得五萬七千六百瓢瓢直十錢并直五十七

萬六千文用蠶矢二百石牛耕功力直二萬六千文餘有五十萬肥猪明燭利在其外

又區種瓠法收種子須大者若先受一斗者得收一石

受一石者得收十石先掘地作坑方圓深各三尺用蠶

沙與土相和令中半

若無蠶沙生牛糞亦得

著坑中足躡令堅以

水沃之候水盡即下瓠子十顆復以前糞覆之既生長二尺餘便總聚十莖一處以布纏之五寸許復用泥泥之不過數日纏處便合為一莖留强者餘悉掐去引蔓

結子子外之條亦掐去之勿令蔓延留子法初生二三子不佳去之取第四五六區留三子即足旱時須澆之坑畔周匝小渠子深四五寸以水停之令其遙潤不得坑中下水

羣芳譜種葫蘆冬瓜茄瓠瓠子黃瓜菜瓜俱宜天晴日中下種每晨以清糞水澆之二月下旬栽則五月中旬結實若三月種則太遲矣種法正月預以糞和灰土實填作一坑候土發過熱篩過以盆盛土種諸子常灑水

日曬暖夜收暖處候生甲時分種於肥地常以清糞水
灌澆上用低柵蓋之待長帶土移栽俟引蔓結子子外
之條掐去之凡留子初生二三子不佳取第四五者留
之每科留三枚即足餘旋食之種大葫蘆正月中掘
地作坑深數尺或至一丈填實油麻菜豆爛草葉一層
糞土一層如此數重向上一尺餘糞土填之坑方四五
尺每坑只種十餘顆二月下子待生長尺許揀擇肥好
者四莖每兩莖相縛著一處仍以竹刀刮去半邊以物

纏住以牛糞黃泥封之一如接樹法裏待生做一處只留一頭取此兩莖亦如前法四根合作一根長大只留一根待結葫蘆只揀取兩箇周正好大者餘俱去之依此葫蘆極大每箇可盛一石長頸葫蘆如前法如欲將長頭打結待葫蘆生成趁嫩時將其根下土挖去一邊却輕擘開根頭揷入巴豆肉一粒在根裏仍將土罨其根俟二三日通根藤葉俱輒敝欲死却任意將葫蘆結成或絛環等式仍取去根中巴豆照舊培澆過數日


復鮮如故俟老收之

瓠子

附

瓠子江南名扁蒲就地蔓生處處有之苗葉花俱如葫蘆結子長一二尺夏熟亦有短者麤如人肘中有瓤兩頭相似味淡可煮食不可生噉夏月為日用常食至秋則盡不堪久留性冷無毒除煩止渴治心熱利水道調心肺治石淋吐蛔蟲壓丹石毒

茄



茄子

茄子一名落蘇

酉陽雜俎云錢王有子跋
足以聲相近故呼落蘇

一名小菰

晉見

書先贊
儀注

一名崑崙瓜

見犬紫拾遺錄云改呼茄子為崑
崑紫瓜清異錄云人間但名崑味

有紫青白三種老則黃如金來自暹羅紫者又名紫膨

亨

說本黃庭堅

白者又名銀茄又一種白者名渤海茄形圓

有蒂有萼大者如甌又一種白花青色稍扁一種白而扁謂之番茄此物宜水勤澆多糞則味鮮嫩自小至大生熟皆可食又可曬乾冬月用如地瘠少水者生食之

刺人喉一種水茄形稍長亦有紫青白三色根細末大
甘而多津可止渴此種尤不可缺水與糞此數種在在
有之味甘寒丹溪謂茄屬土甘而降火莖廕如指紫黑
有刺葉如蜀葵葉亦紫黑有刺開花時摘其葉布通衢
規以灰令人物踐踏之則子繁俗名嫁茄熟者食之厚
腸胃火炙食之甚美北方以為常食南人不敢生食云
動氣發瘡及痼疾患冷氣人忌用秋後茄發眼疾

本草株高三四尺葉大如掌自夏至秋開紫花五瓣相


連五稜如縷黃藥綠蒂蒂包其茄茄中有瓢瓢中有子
子如脂麻有團如枯樓者有長四五寸者

王氏農書茄視他菜最耐久供膳之餘糟鹽豉醋無所
不宜須廣種之

羣芳譜種植二月下子須肥熟地常澆灌之俟四五葉
帶土移栽相離尺許根宜築實虛則風入難活區土不
宜有浮土恐雨濺泥污葉則萎而不茂宜天晴栽鋤治
培壅功不可缺

又收種九月黃熟時摘取擘四瓣或六瓣曬極乾懸之
房內或向陽處勿浥濕臨種時水泡取子淘淨去其浮
者

菌



菌

菌本草一名杜蕈一名菰子一名地雞一名獐頭陳藏器曰地生者為菌木生者為櫟江東人呼為蕈凡菌從地中出者皆主瘡疥牛糞上黑菌尤佳若燒灰地上經秋雨生菌重臺者名仙人帽大主血病菌冬春無毒夏秋有毒有蛇蟲從下過也夜中有光者欲爛無蟲者煮之不熟者煮訖照人無影者上有毛下無紋者仰卷赤色者並有毒凡煮菌投以薑屑飯粒若色黑者殺人否

則無毒

爾雅中尫菌

註地萆也似蓋今江東名為土菌亦曰尫厨可啖

農桑通訣中原呼菌為菌茹又為莪又一種謂之天花
桑樹上生者呼為桑莪江南山中松下生者名為松滑
誠齋云傘不如笠釘勝笠蓋愈嫩愈美風味過於他菌
又有紫菌白菌二種尤佳野萆如赤菰黃耳皆可食

陳仁玉菌譜合萆

生韋羌山寒極雪收春氣欲動土鬆
芽活此菌候也菌質外褐色肌理玉

潔芳薌韻味一發釜驚聞百步外蓋苗多種例柔美皆無香獨合草香與味稱五溪山中亦同時產惟草柄高

無香氣土人以**稠膏草**生五溪山秋中霏雨零露浸釀是別於韋羌焉

山絕頂高樹杪初如藥珠圓瑩類輕酥滴乳淺黃白色味尤甘勝已乃傘張大幾掌味頻渝矣春時亦間生不

能多稠膏得名土人謂稠木膏液所生耳合草他邦猶或有之此草獨此山所產故尤可貴煮法當徐下鼎瀡

俟涓沸漉起謹勿七撓撓則涎腥不可食性參和衆味而特全於酒烹齊既調溫厚滑甘或欲致遠則復湯蒸

熟貯之瓶罌然其**栗殼草**寒氣至稠膏將盡栗味去出山遠也

陰採**竹草**生竹根**麥草**多生溪邊沙壤鬆土中俗名麥無時味極甘丹草味殊美絕類北方摩姑

玉草生山中初寒時色潔暫可愛故**黃草**叢生山中梔名玉然作羹微勒俗名寒蒲華

黃纈又有名黃純者性峭硬有味

紫葍

紫紫色亦山中產俗名紫富葍品為下

四季葍

生林

木中味甘而肌理麤峭不入品

鶯膏葍

生高山狀類鶯子久乃織開味殊甘滑不謝稠膏然與杜葍相

亂杜葍者生土中俗言毒蜚氣所成食之殺人凡中其毒者必笑解之宜以苦茗雜白礬勻新水併咽之無不

愈立 **潘之恒廣菌譜杉葍**

出宜州生積年杉木上狀若菌採無時

阜角葍

生阜

樹上不

香葍

香葍生桐柳枳椇木上紫色者名香葍

天花葍

即天花菜出五臺山形如

松花而大於斗香氣如葍白色食之甚美

蔴菰葍

出東淮北山間埋桑楮木於土中澆以米泔待菰生

采之長二三寸本大末小白色柔軟其中空虛狀如未開玉簪花俗名雞足蔴菰謂其味狀相似也一種狀如

羊肚有蜂窠眼者名羊肚菜

雞縱葍

出雲南生沙地間丁葍也高脚纖頭土人采烘以充方物按通

雅作雞坡雲南志謂之雞菱雞以形言菱者飛而斂足之貌訛本楊慎或作蟻縱以其產處下皆蟻穴貴州志

云下有蟻若蜂雷草出廣西橫州遇雷過即生須疾采房狀又名蟻奪之少遲則腐或老不堪用矣作羹

甚美亦如雞縱舵菜即海船舵上所得竹蓐即竹菰也之屬其價並珍茵也亦不多得草更生曰

蓐得溽濕之氣而成本草作竹肉因其味也生慈竹林夏月逢雨滴汁著地涌出如鹿角白色者可食生苦竹

枝上如雞子如肉鬻者有大毒又曰竹菰生朽竹根節上狀如木耳或紅白色酉陽雜俎云江淮有竹肉大如

彈丸味如白雞即此物萑茵萑當作萑乃蘆葦之屬讀也惟苦竹生者有毒如桓或以為鵲屎所化非

也今渤海蘆葦澤中鹹鹵地往往有之其菌色白輕虛表裏相似與衆菌不同出滄州秋雨以時乃有之若天

旱久霖即稀日乾者良

農桑通訣四時類要云三月種菌子取爛楮木及葉於
地理之常以泔澆灌之三兩日即生又法畦中下爛糞
取楮可長六七寸截斷槌碎如種菜法勻布土蓋日澆
潤之令長濕隨生隨食可供常饌今山中種香蓴亦如
此法但取向陰地擇其所宜木

楓楮楮
等樹

伐倒用斧碎砍

成坎以土覆壓之經年樹朽以蓴碎剉勻布坎內謂之
驚禪雨雪之餘天氣蒸暖則蓴生矣雖踰年而獲可以
繼取反土覆之時用泔澆灌越數時則以槌棒擊樹則

堪博采采訖遺種在內來歲仍發復相地之宜歲易代種新採趁生煮食香美曝乾則為乾香蓴今深山窮谷之民以此代耕殆天茁此品以遺其利也

木耳

附

本草木耳一名木櫛一名木菌一名木槿一名樹雞一

名木蛾

曰耳曰蛾象形也曰櫛以軟濕者佳也曰雞曰槿因味似也南楚人謂雞為槿曰菌猶蠅也亦

象形也蠅乃貝子之名或曰地生為菌木生為蛾

生朽木之上無枝葉乃濕熱

餘氣所生其良毒亦隨木性今貨者亦多雜木惟桑柳

楮榆之耳為多桑耳

一名桑楮一名桑蛾一名桑雞一名桑黃一名桑臣一名桑上寄生

桑楮以下皆軟耳之名

槐耳

一名槐楮一名槐菌一名槐雞一名赤雞一名槐蛾

此槐樹上菌也當取堅如桑耳者

榆耳

八月採之令人不飢按蓼床藩

餘云榆肉榆草也腴脫無此大者數斤即指此種

柘耳

一名柘黃

楊櫨耳

出南山


石耳

附

本草石耳一名靈芝生天台四明河南宣州黃山巴西邊徼諸山石崖上遠望如煙廬山亦有之狀如地耳山僧采曝餽遠洗去沙土作茹勝於木耳

地耳 附

本草地耳一名地踏菰亦石耳之屬生於地者狀如木
耳春夏生雨中雨後亟采之見日即不堪



欽定授時通考卷六十一